



Finansijske sankcije za Hercegovačko-neretvanski kanton automatski reaktivirane

Finansijske sankcije protiv četiri političke stranke su automatski reaktivirane nakon što Skupština Hercegovačko-neretvanskog kantona jučer nije oformila vladu.

U skladu sa Odlukama visokog predstavnika od 29. maja i 7. juna ove godine, 20% sredstava koja još nisu isplaćena za finansiranje političkih stranaka za 2007. godinu za HDZ BiH, HDZ 1990, SDA i SBiH odbija se danas, a narednih 20% biće odbijano svake sedmice sve dok ne bude formirana kantonalna vlada.

Prema Odluci visokog predstavnika od 29. maja, isplate sredstava za finansiranje političkih stranaka iz budžeta BiH, FBiH i Hercegovačko-neretvanskog kantona strankama HDZ BiH, HDZ 1990, SDA i SBiH, obustavljene su od 1. juna ove godine.

Pored toga, kako je navedeno u Odluci 29. maja 2007. godine, visoki predstavnik zadržava pravo da doneše novu odluku kojom se umanjuje finansiranje određenih političkih stranaka iz budžeta FBiH i/ili na nivou BiH.